

太上說玄天大聖真武本傳神呪妙經註卷之四

陰七

太上說玄天大聖真武本傳神呪妙經卷之三

鄜人方田子佩昇玄內教錄陳佖集疏

是時真人再拜稽首曰臣之慶幸荷此綸辭
妙行稱讚紫微敷演乃經綸端緒之教
然其玄武之將軍乃玄元之應化其始之迹

其事云何願賜詳言以開蒙鄙

蒙者不知也鄙者不慧也故妙行謙和宣
明開析玄武詳節普使會衆咸聞靈因亦
願三界人天盡知玄武妙紀深趣之旨要
也

於是紫微大帝敷以玄言釋彼所因解無上
事昔大羅境上無慾天宮淨樂國王

夫淨樂國君能聖哲主務而感生玄帝繼
踵於考命終日得乘生前所種清信功力
命超無慾天宮衣飯天之廚箱受諸快樂

陰六

自然虛皇經曰人有千善福及七祖死竟
爲仙萬善既備玉符下迎千神來朝白日
登晨玄帝修真果效奉天詔曰九五老天
君降言曰子之聖父聖母已在九霄矣九
霄境乃玉虛無色界中列三十六天宮總

隸大羅三境玄帝父母得居龍變梵度天
無慾宮中按紫光經云淨樂國境乃海外
仙國在西域月支國之西星分奎婁二宿
之下

善勝皇后夢而吞日覺乃懷孕其母氣不納

邪日常行道既經一十四月乃及四百餘辰
於開皇元年甲午之歲三月三日午時降誕
於王宮相貌殊倫後既長成遂捨家辭父母
按降筆實錄云玄帝降誕時正當上天開
皇初劫乃下世黃帝紫雲元年歲在甲午

戊辰月初三甲寅日庚午時符太陽之精
託胎化生產母左脇當生之時瑞雲覆國
異香芬然土地皆變金玉瑞應之祥茲不
盡載立小字曰安于生而神靈舉措隱顯
年及七歲經典一覽悉皆默會仰觀俯察
陰六
靡所不通潛心念道志契太虛願事上帝
普福兆民於是父王不願抑志年十五再
辭王許賜道號曰潛雲子按實錄云太上
賜玄帝李姓蓋取宗化之源按西域國西
州天山壇降筆載聖父玉諱告始沃切玄帝

玉諱乞按啓聖記玄帝應化唐時裴姓諱
仲芳按本生經祖諱牛尊宗諱端受右暗
諱四字賊瞎言乘凡對聖席語宜令勿犯
上諸玉諱本經內有言乘二字可密音默
誦之以當回避也如獻歛投詞祈求所欲
者於玄帝疏內無得書犯諸諱字諸兩字
諱者不許聯用如是單用一字書令字不
完

入武當山修道四十二年功成果滿白日昇
天玉皇有詔封爲太玄鎮於北方顯迹之因

自此始也

武當者古名太和山按九五經緯天地曆
曰禹平水土之後分治九州拜立五嶽定
封四瀆範圍厚載之德名山大川悉以神
聖主之乃考翼軫之下有山曰太和故老

陰六

三

相傳云上古玄武得道飛昇之地更太和
之名就封曰武當山按實錄云王子離宮
尋訪幽谷遂感玉清聖祖紫元君授無極
上道元君曰子可越海東歷於翼軫之下
有山自乾兌起迹盤旋五萬里水出震宮

自有太極之時便生是山上應顯定極風
太安皇崖二天之下子可入是山擇衆峯
之中冲高紫霄者居之當契太和升舉後
二千五百歲龍漢四劫中當披髮跣足攝
坎離真精歸根復位上爲三境輔臣下作
十方大聖方得顯名億劫與天地日月齊
并是其果滿也語畢元君升雲而去王子
乃依師語越海東果見師告之山山水水藏
沒有七十二峯一岑聳翠上凌紫霄下有
一崑當陽虛寂於是採師之誠目山曰太

和山峯曰紫霄峯崑曰紫霄崑因卜居焉
潛虛玄一默會萬真四十二年大得上道
至黃帝紫雲五十七年歲次庚寅九月丙
戌初九丙寅日自清晨有祥雲天花似雨
而下迷漫山谷去山四方林巒震響自作
步虛仙樂之音王子拱手立于紫霄峯上
須臾雲散見五真羣仙導從甚盛非凡見
聞悉皆降集王子稽首祇奉拜迎五真曰
吾等乃九五老天君准奉三清玉帝詔命
與子啓途日當午五真宣詔王子再拜稽

首興受詔領賜品儀易服訖乃歛圭奉乘
飛雲玉輅羽蓋瓊輪上昇朝赴九清境矣
夫玉皇有詔者是斯經內一百六十八字
天書篆文也承此赴除太玄之職方始顯
迹於凡知有所修之因也

陰六

四

真人稽首再拜白紫微大帝曰玉皇詔封必
有妙旨敢問大略以開小聰爾時告於妙行
曰天書祕密何可談揚恐泄天機深為不便
大梵隱語奚使衆聞

北極中天紫微令事遵佐金闕昊天發敕

讚勞褒勉約束論事而已時依應三清玉
帝璽書頒降准事施行畢騰秘于紫館況
明真有格未易冒禁露談寶訓恐致輕泄
之愆也於時妙行開存衆之誠請問大帝
旨意之故謙謙然寶惜特爲遏衆信結誓
立盟使夫理志合儀者矣

妙行真人拜手稽首復奏言曰臣雖緣薄聖
必恩寬曲念衆真特垂大便苟輕泄慢當墮
惡途萬劫千生長爲下鬼

六趣雜染輪回總號惡途應是冥官幽吏

皆曰下鬼

是時紫微大帝念此真人著意勤奉再三請
問遂宣帝敕以示衆真

拜手者執簡啓壇禮跪也稽首者俛首至
地俯伏也三請者則九拜手三三俛興也

陰六

五

妙行慇懃奏請遂乃設誓雖緣淺薄不敢
口敬心違違者甘當處下鬼之趣勤奉為
衆三請蒙大帝敕旨遣給事侍中啓琅函
玉匣出示玄武飛升天詔宣唱也

夫此祕言金書篆字大方一丈號曰天符見

之者永處天仙聆之者不歷地獄
言夫此祕者顯昊極三天門下金闕誥命
璽封獎其天符尊崇也按實錄云符篆詔
製乃天真皇人撰及書也字大方一丈者
則八角飛芒各一尺篆跡也曰赤書玉字
之體以金錯成形也得永處天仙是斯會
無極仙曹咸獲瞻見當增其品秩矣次聆
聽者因東漢之季太上降蜀授微士張真
人道陵玄武之經使流傳于世張君乃以
金篆詔書文義易作凡間書體泱濟學道

之人使夫誦念及聆之者保毓腎宮太玄
之氣堅固耳宅門戶之聰使地司黑簿無
得書執曾歷八百功德之人也是等學人
命終之際死鬼不當墮入地府獄中按天
師杜光庭集道炁初布混漠無形炁凝於
浩莽之間文結於太空之內曲折成字八
角飛芒元始命天真皇人象形摹寫名曰
天書玉篆乃為文字之祖體也

其詔文曰

此經天符詔語乃依降筆實錄本書

虛讓果榮國寶

金闕昊天三省門下牒奉

驚聞

陰六

敕學仙聖童淨樂王子七歲神靈淨樂國子十五志道辟國二親

建元

惟卿玄元之化太虛本炁玄元化生天一之尊太陰天一紫皇尊身

不
言
而
教
授
學
元
君
莫
知
其
神
惟
德
至
神

不
言
而
教
授
學
元
君
莫
知
其
神
惟
德
至
神

渺
渺
劫
仞
善
釋
魔
刃
歷
劫
解
紛
綿
綿
若
存
鎮
護
元
氣
綿
綿
長
存

虛
心
實
腹
清
心
寡
慾
抱
一
願
貞
和
光
同
塵
守
昧
同
垢
韜
光
晦
明

虛
心
實
腹
清
心
寡
慾
抱
一
願
貞
和
光
同
塵
守
昧
同
垢
韜
光
晦
明

虛
心
實
腹
清
心
寡
慾
抱
一
願
貞
和
光
同
塵
守
昧
同
垢
韜
光
晦
明

紫微乃言告真人曰此文者玉皇祕敕天帝
徽宣不可輕傳恐遭降責

紫微大帝所寶三宣初敕曰天書祕密何
可談揚恐泄天機也次曰玉皇祕敕不可
輕傳恐遭降責也末曰非乃至人祕之宜

陰六

九

也誠授受者恐口敬心違也因緣經曰凡
人現世長命富貴者往世曾敬信大道妙
義中來永劫家勢不衰者曾延奉正真及
成就功德中來處世為人才識明了深通
妙理達性真者曾持寶經不妄傳人中來

也

真人稽首又白帝言臣聞玄武將軍神通至
大不居諸位而鎮北方妙用之因神明之契
必有與旨願釋鄙懷

妙行復問玄武洞妙因何專政位居北方
大帝遺音告真人曰天中北上衆曜拱之以
匪至神孰能鎮遏

中天北極之中建紫微帝庭也元和遷校
府署乃毗紫庭之北且玄帝偉政位天官
四帥之右導森羅萬象之前故經曰衆曜

拱之職事准玄帝功業可當也每羣真會
朝昊天至尊則四聖爲都班之首實錄云
元始陞玉宸殿內大會諸天上帝校遷三
界羣真登命九天司馬侍仙玉郎啓太丹
玉匣出萬天素成功過玉曆敕金闕侍中
司馬大神韓君丈人金闕司命可韓真人
金闕司錄定名玉曆真人金闕司功九天
採訪真君金闕司過九天儲福真君並開
曆考績三官四聖之職自太虛開化神一
挺生有保天佑地化育之功奏上三清乃

命玉帝親行典儀當亞帝真之號遂詔玄
武詣闕登七寶瓊臺之上遣金闕侍中素
靈殿大學士三天門下直日儲靈典奏事
金真紫陽大夫含光上德仙君軒轅執本
齋捧昊極三天門下玉冊傳命宣賜文武

陰六

十

儀錫以通天十二旒冠玄衮上施日月山
龍物象玄玉寶圭紅舄玄履瓊旌寶節九
龍玉輦玄武拜受易服訖仙君謹言玉宸
三省誥曰皇皇大道赫赫至真太極開判
玄元化生妙蘊樞機萬天尊仰則為聖明

主務其休隆廣焉敢不崇欽惟太玄元帥
鎮太玄武大將軍三元都總管九天遊奕
使左天罡北極右垣三界大都督依前領
元和遷校府職判玄都右勝府公事太上
紫皇天一真人冊曰靈通太妙上開混化
之玄道備鬱明下統虛危之秀寶育天元
撫成地紀持造化於四時推紀綱於八節
分身下降普福乾坤功齊五千萬劫德並
三十二天九霄上賴於真威十極仰依於
神化有大利施於下民積聖德徧於玉曆

按遵簡錄當亞帝真敢不微崇何以明德
賜尊號特拜玉虛師相玄天上帝領九天
採訪使金書冊寶曰夫道生一炁感化三
才結真于九極之華晨麗于六天之秀幽
微煒燁洞杳飛芒功高難極合示嘉尊想

陰六

十一

惟鑒觀幸勿謙辭餘當上輔大道劫劫長
存下佑兆民絲絲永祉龍文昭降永秘玄
都謹言崇封聖父曰淨樂天君明真大帝
聖母曰善勝太后瓊真上仙下蔭天關曰
太玄火精含陰將軍赤靈尊神地軸曰太

玄水精育陽將軍黑靈尊神並居天一真
慶宮仰觀玄帝之勲業在於今日之權總
司三界功過事況真休尚賴其威輔而神
通果至大歟

真人乃啓於紫微若有天人志心欽仰其於
福利有所得乎

妙行真人思正萬彙順天人之心仍問欽
敬福利將化人天歸向耶

大帝曰此神將是歲每月六日十六日二十
六日諸天審察

此諸天者乃是色慾一界天境公事玄帝
之守巡歷審察二曜三辰五行萬象星府
事彈鎮不正妖孽也故本經曰每月三度
統領神兵躬往諸天徧爲巡察凡遇邪氣
及有妖星速須剪裁是斯職也色界天屬

上元三炁君召諸天人眷屬事中外一十
八天主尊謹著獻號中九天五炁天君主
北方元靈上極天始素天君主西南妙靈
寶華天九炁天君主東方玉華無極天始
丹天君主東南大虛真極天一炁天君主

上方玉清虛皇天始玄天君主西北素靈
皓元天七炁天君主西方玉靈素華天始
青天君主東北太靈真元天三炁天君主
南方南極玉文天外九天智德天尊主北
方雙闕化身天威範天尊主西南至妙變

陰六

十二

空天仁愛天尊主東方元真寶曜天慈和
天尊主東南開靈傳道天載德天尊主下
方中極總生天成化天尊主西北元關溥
濟天義議天尊主西方成德曜晶天智積
天尊主東北暉明流光天禮教天尊主南

方太平運化天色界乃無五行之所其中
天人眷屬衣飯天之廚箱也本因是從凡
修鍊之士而及之靈寶經註云人有百善
東華註名以至三百善去身業歷淨行命
終蛻殼神隨功著飛昇此境也於中增修
及千善者福延七祖神靈龜聚為眷屬
也慾界天屬中元三炁君召諸天眷也其
六天十境最居下位接人間頂題名于后
諸天獻號善勝天王尊北境他化自在天
妙化天王尊東境樂變化天妙德天王尊

中境兜率陀天清淨天王尊南境須臾摩
天靈和天王尊西境忉利天淳和天王尊
護世四王天中央東方境主持國天王南
方境主增長天王西方境主廣日天王北
方境主多聞天王靈寶經云人有十善司

陸六

十三

命儲筭至五十善五帝友別三業漸除形
神少忘得返五行之妙天命終際神龜徑
超此諸天境受大快樂也況夫玄帝稟命
常保育天元矣

十洞巡遊

十洞者乃十大洞天也巡遊警察神仙公
事也按朝天懺應洞天所各立仙官曹僚
分掌攢集萬彙錄籍功過等事

及正月七日二月八日三月九日四月四日
五月五日六月七日七月七日八月十三日
九月九日十月二十一日十一月七日十二
月二十七日下降人間剪滅邪魔驅除瘟瘡
保人慶壽以全天命其有氣正心純忠全孝
盡名書玉簡保舉昇仙更有玄科莫可併述
真人稽首再拜白紫微大帝曰顯化之因則

聞命矣天人欽仰玄武將軍作何歸依設何
方便而得福利幸賜一言

妙行請問歸依之人設何供禮

大帝是時告真人曰天地之內能有至心奉
祀玄武一生之內不食鯉音星鱉自斃毒傷獸

穢之物及於菹音小菜大蒜葫荑音葵鮓音姪嗜慾扶
屍接產若能斷得方可志心凡臨下降之辰
皆有禎祥之慶

大帝語天地之內者謂天下地上大千世
界中人也

能有志心奉祀玄武者勤修香

火之家誠謹信奉遵依此經避忌之人實
於衛生利益按應運經曰飲食隨緣不必
勞神不必著見飲則通其色身血肉食則
充其色身臟氣按靈寶大誡經身中元神
惟務清淨不可雜食臭腥臭腥之物壅滯

陰六

十四

經源纏羅六腑又脂葷辛臊昏塞神門攻
蒸五臟生諸病惱人不能知形神豈久可
聽此經保人天年以除災患此乃簡要之
法所宜遵戒也腥羶者龜鼉龜鼈蛇鱉黑
鯉魚曰臭腥食也牛馬野獸肉曰羶白麩

毒傷自斃者乃活動物命無故死也毒傷
謂猛獸攫擒食之遺剩自死及彫殘食之
多命促此之謂也按孫真人食誠曰獸穢
物者鷹肉獸犬肉穢齧菜乃小蒜也食多
耗散精神也大蒜雖入藥久服反閉塞神
氣葫荈其臭透人肌膚令人多忘芸薹韭
薤已上總葷菜也魷姪者竭精虧腎玄武
逝後嗜有慾者敗氣散神朱雀棄前扶死者
死魘馮魘青龍離左接產者血腥衝鬼白
虎亡右或悞食忌物當念本經淨身神呪

則穢雜之氣出離於身內矣唯扶父母師
資死屍候葬畢日外更吉服而可朝真謁
聖也易繫辭曰天之所助者順也人之所
敬者信也信者誠心晨昏上香朝扣玉虛
之門志感太玄真人按旄部錄所循之善
申明右勝府事必降禎祥之慶光輝子之
門闡漸進則天佑之也

陰六

十五

其夜

聖降之期預先一夜也

先當澡瀹身心不汨思慮

先當澡澗可預除身垢孔子曰沐浴為齋
潔也非為飾也不汨思慮者却去胸中亂
事太上曰澄其心而神自清又曰形神俱
妙與道合真

至五更躬然香燭淨果棗湯

香通真達誠唯降真沉香可燭貴黃蠟者
輝明祭祀淨果五果忌獻石榴李子棗湯
沸湯瀑日曬乾棗尹喜內傳曰神仙多以
棗宴賓也淨水亦佳設淨水因昔唐追封
太上老君為祖也憲宗幸廣平苑夜坐于

軒覩真武降現威容立于雲際帝炷香躬
問奉祀大曹儀範真武降言藝入香者可達
誠誠非香則不能達于空蒼也酌水者能
滌穢炆一切清淨皆由此生故供養不可
無水也語畢帝謝真武昇天矣乃元和元
年八月初八夜半降唐禁中故事也觀此
豈上聖所欲哉我當表誠遵此

位列有三志純于一

位列有三者遞歲三月三日玄帝宴聖父
聖母於瑤池玉洞天報答誕生之辰香一

炷燭二枝淨果棗湯當設三位分志純于
一者餘諸降日只用設一位分香燭果湯
稽首禱告無願不從

凡禱正念者上聖無不從人所請啓聖記
云宋朝仁宗皇帝因輶軻間詔命道士洞

陰六

十六

神法師王伯初庭對休咎事於登壇日燒
化御封心詞俯伏出神齋表達上穹翌日
敷奏臣伯初昨趨昊極奏對罷朝迴至西
天門葛將軍見報曰真武已保明蒙玉帝
御筆敕旨賜延聖壽一紀帝悅賜御筆璽

記贈真武銜嘉祐二年正月日敕準寶應
閣長生玄都殿賜銜也謹釵于后降真讚
曰萬物之祖盛德可委精貫玄天靈光有
煒興益之宗保合大同香火瞻敬五福攸
從詔書伏以靈天肅正俯降塵寰通明護

國定亂殊聖現前感應施惠救民顯照圓
成所禱悉從是願所求皆有證心不但國
王大臣道僧士庶一切有情能恭香火普
及所意無不果遂以斯福善住世專事濟
人承恩者庶廣不可思議今既獲于聖佑

於國於家豈擅忘於大道延福增齡永祈
保祚除已行恩天下啓聖奏章一百四件
並係功成正化謹就玉津園建其聖堂報
答天鑑得蒙現足垂靈仍賜爲社稷家神
崇導真武上聖宜可授玄初鼎運上清三

陰六

七

元都部署九天遊奕大將軍左天罡北極
右垣鎮天真武靈應真君奉先正化寂照
圓明莊嚴寶淨齋天護國安民長生感應
福神智德孝睿文武定亂聖功慈惠天侯
右准敕宜令祀授龜蛇贈封施行其龜蛇

二聖銜注在本經前祛妖攝毒之句下也
然乃靜思虔誠誦其神呪

然者道指也靜思處靖廬坐也虔者慈誠
者信誦者念其者斯神者神明叩齒誦呪
呪者蓋以聲發禦邪虛皇經曰身垢不淨
以世水洗之心垢不淨以法語洗之或自
首罪亦自洗也

北方玄天杳杳神君億千變化玄武靈真騰
天倒地驅雷奔雲隊仗千萬掃蕩妖氛雷公
侍從玉女將軍鬼神降伏龍虎潛奔威鎮五

嶽萬靈咸遵鳴鐘擊鼓遊行乾坤收捕逆鬼
摧斬魔羣除邪輔正道炁常臻急急如元始
上帝律令

按紫光經云此神呪出神寶君祕書也

太陰化生水位之精虛危上應龜蛇合形盤

遊九地統攝萬靈無幽不察無願不成劫終
劫始剪伐魔精救護羣品家國咸寧數中末
甲妖氣流行上帝有敕吾故降靈箴揚正教
蕩邪辟兵化洽黎兆協贊中興敢有小鬼欲
來現形吾目一視五嶽摧傾急急如太玄律

令教

按行道品經三洞大法九品第九曰神呪
能驅除疫癘掃蕩妖氛蠲却精邪最為第

一也

太上說玄天大聖真武本傳神呪妙經卷之三

卷六

六



